

Gij Dinfwngz Guh Faengxhung Hwngzyen

□ Godoq comz hoiz



▲Faengxhung Hwngzyen.



▲Vunzlai humx yawj aen faengxhung 50 gaen neix.



▲Ceh rongfaengx.



▲Suek faengx aeu senj haeuxcid ndei.

Faengxhung Hwngzyen dwg cungj gijgwn vunz Hwngzyen Gvangjsih gvaq cieng aeu miz haenx, Hwngzyen miz cungj gangjap "mbouj miz faengx mbouj gvaq cieng". De miz goengheij, baiqcieng, gaicawx, soengqlaex, caeq coj baiq baed daengj lai cungj yungh, miz gij eiqsei gyaunde, vuenyungz, angqyangz daengj.

Faengxhung Hwngzyen aeu rongfaengx, haeuxcid, duhheu, nohmou doenghyiengh neix suek baenz, caiq gya gyu, veicingh, laeujhaeux ndei, mbahajrang, mbahozce, hingndip, coeng, dangz daengj, linghvaih ciuq bakngah mbouj doengz lij ndaej gya lwgraeq, nohgungq, haeuxndaem daengj. Ginggvaq ceh raemx swiq seuq, suek baenz cug ndei, dumq biq, yo ndei bauj singjsien daengj mbaek hong, ceiqlaeng baenz faengx ndei.

Faengxhung Hwngzyen saeqsim bae guh, senj liuh saeqnaeh, aende hungloet, saek lwenq rongh ndei, gwn le raen miz daegsaek "heiq noengz hom nanz, unq ndei lauzhaj, singjsien dawzbak, feihdauh nanzlumz", vanzlij miz gij eiqsei angqhoh ndei, haujlai nanz doxdaeuj vunzlai gyaemaij baenzmaz bae.

Bi 2010, gij dinfwngz faengxhung Hwngzyen ndaej senj haeuj daihsam buek swigih gaep feihvuzciz vwnzva yizcanj mingzloeg.

Faengxhung Hwngzyen baengh aende hungloet, saek lwenq rongh ndei, heiq hom ndeigwn mingzdaeuz cienz doh Guengjsae, laebdaeb song baez ndaej Dunghnanzya Gozci Lijyouz Meijsizceez gimciengj, dwg Guengjsae gijgwn iq cojcienz ceiq mizmingz haenx.

Doengh bi neix daeuj gyoengq hekyouz caeuq canghbueng deng mingzdaeuz yinx daeuj cawx faengxhung Hwngzyen, guh mbouj gaeuq gai; bingzciengz liggaeuq bet nyied couh miz gai, ndaw cieng cix mbouj gaeuq vunz aeu.



▲Coq nohgungq.



▲Faengxhung aeu coq gaiq noh hung.



▲Cug ndaet.



▲Aeu fwngz duma seiq aen cung doxhwnj.



▲Ndaej mingzdaeuz ndei.



▲Baihndaw aen faengx.